

ایکینجی سنہ

حزیران ۱۳۲۶

نومرو : ۱۶

علم حقوق

مُقَابِلِ قَوَانِینِ مَحْمُودِ عَلَیْہِ

ہر آئی نشر اول نور

مؤسس و صاحبی

کرمیہ مہمونی : محمد عارف

علم تعذیر ، علم جزا حقنہ بعض معلومات

بروسہ استیناف محکمہ سی اعضا سندن : بنیامین فرید

حقوق جزا اولدینی کی برده علم جزا ، علم مجازات واردر . علم جزا ، علم مجازات جمعیت حاضرہ ده مجازاتک ، تعذیرک کورہ جکی وظائفی و تطبیق جزا دن منتظر فائده نك تماماً حصولی تأمین اینچون نہ صورتلہ وضع و ترتیب ایدلمسی ایجاب ایدہ جکسندن باحث بر علمدر .

جزا : بر مجرمک فعلانہ قارشو جمعیتک عکس عملی دیہ تعریف ایدیلہ بیسلور . اشبو عکس عملک تعیینی اینچون آکاسبیت و یرن فعل حقنہ بر فکر صحیح پیدا ایتک ایجاب ایدر . ادوار سالفہ ده ممنوع عدا ایدیلان ہر در لوافعالہ عام و شامل اولمق اوزرہ جرمک تعریفی بولمق بر امر آسان دکدر . و قتیلہ مشروع و حتی عادات و احکام مقبولہ ایلہ امر ایدیش نیجہ احوال وارکہ احکام موضوعہ حاضرہ تجریم ایدیور . ازمنہ و امکانہ و امر جہ نك تبدیلہ افعالک صورت توصیفی تحول ایتکلہ برابر جزانک خاصہ ممیزہ سی اولان فاعل جرمک شخصی و مالنجہ ایدیلان عذاب و اذا بردر . مجازاتک تاریخنہ قدر ایلری بہ جیقلسہ نہ کی احتیاجات و حساباتک تأثیریلہ وضع و تطبیق ایدیلورسہ ایدلسون جزایہ (انتقام ، کفارت ، تہدید ، عبرت ، تہذیب ، تادیب ، تضمین تلافی ، دفع مضرت) کی احوال دن ہرقنسی نظریلہ باقلسون پتہ مجرمہ بر عذاب ، بر ضرر ایراث ایتکدن عبارت قالیر . بو خصوصہ ترقیاتک تعقیب ایتدیکی مقصد او عذاب ازالہ دکل — چونکہ قابل دکدر — بلکہ کرک جمعیتہ کرک مجرمہ نافع اولہ جق صورتہ تطبیق ایتک ، عذاب ایل اصل نتیجہ امل دکل اولسہ اولسہ تہذیب و اصلاحہ واسطہ اولمقلنی تأمینہ چالشمقدر . علم جزانک مقصدی بو صورتلہ تعین ایتکدن صکرہ بو مقصدہ ایریشمنک توقف ایتدیکی تدابیر و وسائلك ندن عبارت ایدو کننک تدقیق قولایلا شیر .

جرمك برى معنوى. ديكرى مادی اوله رق ايكنى نوع عكس عملی تظاهرايدر . مجازات بونلرك ايكسنه ده تقابل ايدر .

(اولا) معنوى عكس عمل - برىسى برجرم ايقاع ايتمكه احكام طبعيه و قواعد اخلاقيه و وجدانيه نك وضع ايتديكى اساسلى اخلال ايتش اولور . شويله كه (۱) فى الحقيقه جرم غير مشروع و حقسز بر فعل اولمله انسانلرك فطرة محبول بولندقلرى حسيات عدالتپوروى و حقپرستانه يه قارشو بر تجاوز عد ايديله بيلور .

(۲) جرم اكثرياً شنيع ، مذموم ظالمانه برفيلدر . فاعلنه قارشو طبعى اوله رق استكره و نفرت و مغدور و جرمك قربانى ايچيون مرحت حس ايديلور .

(۳) جرم غير اجتماعى يعنى جمعيته مضر برفيلدر . جرم بر شخصك هيت اجتماعيه قارشو و قوعبولان بر حركت خصمانه ، بقاو محافظه من ايچيون الزم اولان حال اجتماعيه اورلمش برضربه در . بويله برفلك ايقاعى خوف و هراسمى ، اندیشه مزى موجب اولور . بوكي افعال تكثر ايتسون بزده بويله حاللره معروض قالميه لم ديه قورقارز . بوكا بناء در كه غير اختيارى اوله رق مجرملر عليه نه حدت و خصومت دو عقالعز طبعى ، بر كفيتدر . حكومت يعنى جمعيت جزاسنى و برمكه موجب اولد ينى راحتسز لك انتقامى آلمش متسلى و مطمئن اولمش اولورز . مجازات بوكي حسيات و هيچانلرى تسكين ايدر . قواعد اجتماعيه و احكام اخلاقيه و وجدانيه نك فعلاً نهى و انكارى اولان جرمه قارشو قواعد و احكام مذكوره نك فعلاً و علناً و رسماً تأييد و تقويه و تصديق جزاييله حصول بولور . بو وجهله جرمى اعتياد و حسيات عاليه و اخلاقيه دن تجرد ايتماش كمسه لر ايچيون غايت مؤثر بر عامل معنوي در .

(ثانياً) مادی عكس عمل - جمعيتك محافظه و وقايه مى مقصديله مجرمك تكرر او فلهده بولنماسنى و بالخاصه ديكر لر ينك بوكا امتثال ايتماسنك تأمينى ايچيون وقتيله هر در لو مطالعات اخلاقيه و سوقيات حسيه دن صرف نظر

ایدیلہرک کلیشی کوزل وضع و تطبیق ایدیلہ گیش اولان جزا بوکون فوائد مادیہ نیک تأمین حصولی ایچون اصول و تدقیق و مطالعہ ایلہ وضع و تطبیق اولور .

جهت مادیہ سنجہ جزانک ایکی مقصد تحفظی اولدیفی کوریلور . مجرمک بالذات شخص سنجہ اوله رق (شخصی ، خصوصی) اکا امثال ایتسی ملحوظ اولانلره قارشو (عمومی) برتائیر تحفظی حائز اولمسی جزانک مقصد اصلدنی تشکیل ایدر . مقصد تحفظی خصوصنک حصولی مجرمدن تکرار اوفعلی ایشلمک آرزوسنی ویا امکان و اقتدارینی رفع ایتمکله اولور . بوبادہ مجرمینک ایکی بؤک صنفه تقسیمی مسئله سی کندولکنندن میدانہ حیقار .

(۱) تصادفی و یا قضائی مجرملر — بونلرک چکدکاری وایلریده تکرار بؤکی فعللرده بولورلر سه چکد چککاری جزادن متنبه اولورلر . (تحفظ تهیدی) ویا خود جزانک تأثیر تهذیبیه سی ایله اصلاح حال ایدرلر . بؤکا (تحفظ تهیدی) دنیلر بیلور .

(۲) اعتیادی و یا خلقی مجرملر — بونلرک جرم ایقاع ایتلمی خلقت و استعدادلری اقتصاصندن ویا سوء اعتبارله مألوف اولملرندن ایلری کلکله نادرأ اصلاح حال ایدرلر . بونلرک شر و مضرتندن امین بولنق ایچون جمعیتله اولان مناسبت و اختلاطی قطع ایتلی (حبسک انواعیلہ) خلاصه شخصی و خصوصی تدابیر تحفظیه (تهید ، تهید ، توقیدن) عبارت اولور .

امثال ایتسی ملحوظ اولان سائرلرینی منعه خادم تحفظ عمومی آنجق تهید ایله قابل اولور . بوراسی قیسه ایدلمک ایجاب ایدرک جزانک شدندن زیاده محققیتی تهیدی مؤثر قیلار .

مشهور (بقاریا) قوانین جزائیه اساس اولان (جرائم مجازات) نام اثرندہ جرائمک منع وقوعنی تأمین ایدن خصوص جزا و عذابک شدتی دکل مجازاتک محققیتی در . ولو خفیف اولسون محقق و غیر قابل

تحرز بر جزانك تطبيق اولنه جفتی بيلمك ، اجرا ايدليه چكنه دائر
برامبد اولان غايت شدتلى بر جزا ، بر عذابدن زياده تاثير ايدر)
مونتسكيو دخی (اخلاقسز لقلرك ، جرائمك تكثيرينك اسبابى
آراشد بيله جق اولورسه جزانك خفيف اولمى سندن زياده مجازاتك
تطبيقنده تراخى و مسامحه دن ايلرى كلديكى كوريلور) ديمشدر و بقاريانك وضع
ايتديكى نظريه لرى اساس اتخاذا اولنه رق تنظيم اولنان قانون جزا لايحه سنده
(جزانك مؤثرينى شدتيله دكل ايراث ايدلىكى خوفيله موازنه و مقايسه
ايديلور . اشبو خوف شدتسندن زياده محققيت و ترتيب تطبيقجه التزام
ايديله چك سرعتله متناسب ايدر .) ديه مركزوزدر . بوبابده تفصيلات
بالمناصبه كله چكدر .

بونقطه سياست جزا ينده الك مهم اساس تشكيك ايدر . فى الحقيقه
جنايت نامزدلرى اوزرينه جدى و محقق بيلدكلرى بر تهديد و اخافه
معلق بولندرمق ايجاب ايدركه دوغرو بولدن انحراف ايتكم ايستسه لر بيله
حيات مستقيمانده ثبات ايتديره چك اسباب و ملاحظاتي تقويه ايتسون .
جرمك مادى و معنوى عكس تاثير لرى اولان جزانك بويله مختلف مقاصدى
نه صورته تايمين ايدم بيله چكى صوريلورسه جزانك مجرمه ويران عذابك
حقسزلى ، ظلمى ، خودكاملنى رفع ايتديكى حسن انتقام ، مقابله بالمثل
وعين معامله ينى اجرا ايتكم آرزوسنى اطفاليلر .

جرمك مادى عكس العملى اولان جزا بوكون برنتيجه دكل كوزتديكى
متنوع مقاصد تهديد ، تهذيب و حبس ايله جمعيتدن تبعيد - ك حصولى
ايچون الزم بر چاره و واسطه كى تلقى اولنور .
مقصد تهديدك اساسى : انسانك طبعاً عذابدن ، اذادن قاجيسى كيفيتدر .
جزانك تهديد ايدم بيلمسى ايچون مجرمى متاذى ايدر بر ماهيته اولمى
ايجاب ايدر .

تهذيب - اصلاح حالك حصولى : مجرمك توقيفى ايله انسانه الك آغيركلن (حریت
شخصيه و حر كتدن محروميت) تضمن ايدر . بوكى حاللرده بولنانلر

اصلاح حالی مؤدی بر مطاوعت کامله حالنده بولغفه مجبوردرلر .
غیرقابل اصلاح اولانلرک تبعیدی - نفی و قلعہ بندلک و کورک کبی محال
مخصوصه یه مکررلرک کوندرلمسیله جمعیته اولان ارتبساطی قطع
وبوصورتله شرلرندن محافظه ایدلش اولور . بونلرک آشدقلری برحیطدن
تباعدا ایتملری بلاعذاب حاصل اولماز .

مجرمه تطبیق اولنان اذادن عبارت اولمق کبی بر نتیجه مادیه منجر اولمغه
برابر اشبو اذا وعذابک درجه و قرعک تعییننده جزانک کوزتدیکی مقاصد
متوعه سی تماماً حصول بولمش و تأمین ایدلش اولورمی ؟ مقاصد بیننده مصادمه
و وقوع بولیه جقمی ! مسئله سنی تدقیق ایدلم .

اولا مقصد مادی ایله معنوی بیننده و ثانیاً مقاصد مادیه نك انواع مختلفه سی
بیننده کی تخالف و تضادی تصور ایدلم . انتقام و کفارت کبی معنوی وظیفه لری
بیننده جزانک مقاصد معنویه سی آره سنده مصادمه و وقوعی تصور ایده مز . چونکه
بونلر عین و یا معادل احتیاجاته تقابل ایدرلر . فی الحقیقه وظیفه انتقامیه دن اولان
قصاص ، دیت ارش و کوزه کوز و جرم ایشانمسنه مقابیل اوکا معادل بر
عذاب و یرپلرک ایکی جهندن مغدور اولان شخص متسلی عد اولور .

وظائف مادیه ایله و وظائف معنویه بیننده کی تضادم

بویله بر تضادم نه وقت و قوعه کله بیلور . وقوع بولان بر جرم دن طولانی
هیئت اجتماعیه نك وقایه و محافظه سی شو نوعدن و بو درجه بر جزا ایله حاصل
اوله بیلدیکی حالده بعض شرائط مخصوصه دائره سنده وقوع بولان عین فعل
عدالت فکری و هیئت اجتماعیه حسیاتی ده ا شدید بر مجازات طلب ایلر . کذا
مکررلره و اوفق جرائمه طولو بر ماضی به مالک جرمده صوک فعللریله غیر
متناسب بر جزا و یریلور . بوکی حالدرده جزانک وظیفه مادیه سی ایله معنویه سی
بیننده اختلافک حلی نه صورتله اوله حق ؟ جزانک تعیین و تقدیری اینچون
نه کبی اساس اتخاذ و هسانکیسی ترجیح ایدیلرک ؟ جزا و یرمک حقنه دائر
التزام ایدی لان اصولک جمله سی بونقطه یه معطوفدر . حق مجازاتک اساسنه دائر
ایلری سوریلان نظریه لرده اک مهم مسئله و بو صوک سنلره قدر اک آز نظر

دفته آلمان مسئله جزانك كوزتديكى مقصد و نتیجه و وظائفك تدقیقی ایجاب ایدر . حق مجازاتك مشروعیتی اثبات ضمننده مقصد و فائده سندن دکل سببی اساس و بقایای اتخاذ ایدر لر . فقط بو بایده کی اختلاف لر او قدر عظیم درکه طرفیکرانك اتفاق ایملری غیر قابلدر . حق مجازات مسئله سنی حل ایتمك عزیزمله تدقیق ایدمك ایستنیلور ایسه شیمدی یه قدر تعقیب ایدیلان مسلیکدن غیرى اوله رق غایه سی جهتدن باشلاملی . (سبیلله دکل غایه و نتیجه سبیلله جزانك توصیف و اشراط) دستوری سیاست جنائیة حاضره نك اساسنی تشکیل ایتملدر ، یعنی جزانك تضمن ایلمدیکی عکس العمل لر قنیلریدر . نه کی وظائف کورور ؟ تطبیق سائده کورستردکاری امنیت و سهوات و تاثیر نقطه نظر نیجه بو وظائف میانه سنده مقایسه اجرا ایله قنغیسی ترجیح ایدمك ، بینلرنده بر نوع درجه و مقیاس ترتیب و وضع ایدمك ایجاب ایدر .

شوراسی شایان قیددرکه ترتیب ایتمك ایستدیکمز شو وظائف بر طاقم ارکان و هیأت معرفتیه اجرا اولنور . ارکان مذکور دخی جزانك اجرا و تطبیق نیجه مداخله ایدن شعبات اداره در . جزانك کوردیکی وظائفك تنوع و ترتیبك فائده لی اولمی ایچون ارکان مذکور نك میل و استعداد و وضعیت و عاملیت نظیره لری نظر دفته آلمق ایجاب ایدر .

اصل شوراسی نظردن دور طوتماملی که مجرد اوله رق یاننده هیچ بر صفت اولدینی حالده جزا کلمه سنك معناسی موضوع بحث ایستدیکمز علمك مساسنی واضحاً عقید دکلدر . چونکه بر کره قانونك وضع ایستدیکی جزا واردر . حاکمك حکم ایستدیکی جزا واردر . نه سائنده هیئت اداره نك چسکیردیکی جزا واردر . اوج مختلف ، هیئتك جزانك تعیین و تطبیق و اجرا سنده دخل و اثری کورلمکله بو نقطه نظردن تاریقی اهم اولمغله برابر شیمدی یه قدر اهمال ایدلمش بر خصوصدر . شاید شو مختلف هیئتلردن برینك بعض افعالك عکس عمل نیجه تأثیری احوال جریان ی و افکار عمومی نك سوبقوله زیاده اولدینی تصور ایدیلورسه و وظائف جزانك مراتبه سی مسئله سنه تعذیرك اجرا سنه اشتراك ایدن قوتلرك ترتیبی مسئله سی تقدم ایدر .

معقول بر اصول تعقیب ایدش اولقی اوزره اول امرده جزانك اجراسنه اشتراك ایدن اوج قوتك وظیفه لرینی ارانه به جالیشه جغز .

(۱) واضع قانون افعال ممنوعه بی تعداد و هر برینه و یریه لك جزایی ذكر و بیان ایدر . بیان اولنان جزا بعض احوال دن مستثنا اوله رق قطعی اولیوب اكثریا بر حد اعظم ایله حد اصغر بینده مرتبدر . مجازاتك بو صورته ایکی حد آراسنده متحول و متحرك اولسی و بو حدود بینده کی ساحه لك نوسی اعصارك كذرائسه حاصل اولمشدر . قوانین جزائیه قدیمه ایه هر فعلك جزایی معین ایدی . او وقتکی واضع قانونك مطالعه سی نه مركززده ایدی ؟ وظائف جزانك قنغیسی مرجع طوتیلور ایدی ؟ او وقت لك زیاده اصرار ایدی لان جهت جزانك وظیفه تهیدیه سی اولدیغه شبهه یوقدر . فرانسه لك ۱۷۹۱ جزا قانونك اثنای مناقشاتنده لایحه محرری شو یولده اداره كلام ایدیور ایدی . « مجازاتی مشروع قیلان لزوم و احتیاجدر . مجرمك معذب و متأذی » اولسی قانونك اصل مقصد قصوای دكدر . الاهمیتی نقطه جرائمك منع وقوعیدر . نایت شیع و « دهشتی بر جنایت ارتكاب ایدیلوده اوندن صوكره هیچ مجرمك ایقاع اولمیه جغندن امین اولسه لر جانی » « مرقومك تجزیه سی فضولی بر ظلم و قانونك بر تجاوزی عد ایدیه بیلور ایدی . جنایاتك دهشتی تجلی ایتدیر دكاری « اخلاقك قبح و شناعتی ایله دكل تولید ایلدكاری نتایج ایله مقایسه ایدیلور . »

مجازاتك بو صورته معین اولسی حکامك بعضاً کفی حکملرینه قارشوسد چكلمش اولمغه برابر قانونك تأثیر تهیدیه سی تمامیه محافظه ایدش اولوردی . اساساً قانون وضعندن مقصد اصلی تهیدید دكلی ؟ آتی ایچون احكام وضع ایدرك هیئت اجتماعیه ایراث ایتدكاری ضررك درجه سنه كوره افعالی تقسیم ایله جرم دن استحصال ایلدكاری فائده دن زیاده بر اذا ویره رك جزا طرح و مجرماری سن و احوال مخصوصه لرینه نظر آ تصنیف ایلر . واضع قانون هر فعل مخصوصی و هر بر شخصی آری آری نظر ملاحظیه آله مدیغندن بر طاقم احكام عمومیه وضع ایله برابر افعال خصوصیه - صغر سن و معذرت کبی - یعنی فاعلك شخصه و جرمك شرائط مخصوصه سنه نظر آجز اتعین ایتك خصوصنده حاکمه تقدیر صلاحیتی بخش ایلر .

افعالك تنوعه مبنی هر بر فعله اولدن آیری آیری اوله رق جزا تعیینی قابلدکدر . احوال مادیه سی و شرائط معنویه سی تماماً عین اوله جق ایکی جرم نادرآ کوریلور . فاعلک مسئولیتک درجائی نامتناهی صورته تخالف ایدر . ایضاحات مذکوره دن واضع قانون طرفندن بیان اولنان جزانک حکماً تعیینی خصوصنده اوندن خارج اوله رق نه کبی تأثیراته تابع اولدینی مسئله سی کندولکنندن نظاهر ایدر .

(۲) حاکم صلاحیتی ندر ! ونه وجهله استعمال ایدر ؟

هر بر فعله صورت قطعیه ده جزا تعیین ایدلدیکی هنکامده تطبیقیه مکلف اولان حاکم صلاحیت و تأثیری هیچ مشابهنده قالیر . فقط بو احوالک بایدار اوله میه جنی تحقق ایتدی اسباب مشدده و مخففه نک طائمی ، بعضی آورو با قوانینتجه قبول ایدیلان (تأجیل جزا اصولی) و مؤلفینک چوقندن تکلیف ایدیلوب مجازاتک حد اصغرینی بیه رفع ایتدیرمکدن عبارت اولان (غایت مخفف اسباب قانونیه نک) قبولی بواساسک سلسله مرتبه تطبیقیه سی تشکیل ایدر . حقوق جزائیه نک حال ، حاضری . واضع قانون حاکمه منقلب اولمش (صورته ده اجمال ایدیه بیلور . فی الحقیقه حاکم صلاحیت وسیعه حاضرهنه نظراً واضع قانونک حکم و اهمیتی درجه تالیفه قالیرور . اسباب معینه دائره منده بریسی قتل ایدن شخص قیسه بر مدته حبس جزا سبیه تجزیه ایدیلور . جنحه لرده حاکم جزانک حد ابتدائینی حکم ایده بیلور . تأجیل جزا اصولی قبول ایدنلرجه بو صلاحیت دها زیاده وسعتله استعمال ایدیلور .

بو صورتلرک جمله سی قبول ایدلمکله برابر قانون جزاده حد اعظم ایفا ایدلمشدر . بو حد اعظم حاکم صلاحیت تقدیریه سنه حائل تشکیل ایلمدیکی کی اشخاصک حریت شخصییه سی و علمه نک آسایش و انتظامی تأمین و توثیق و قانونک تأثیر تهذیبیسی تأیید ایلر .

قوانین حاضرهنک مجازاتدن منتظر اولان وظیفه تهذیبیه بر درجهیه قدر ایفا ایلدیکی دنیله بیلور ایسه ده مجازاتک وظیفه تأدیبیه و اصلاح و تهذیبیه سی

حبسخانه لر و مأمورینك شرائط حاضره سبله قابل حصول دكلدر . حبسخانه و توقیفخانه لرك افرادی تهذیب و اصلاح ایده جك راده یه وصولی بزده دكل مدنیته ترقی ایدن مملكتكترده بیله خیلی زمان و همت وفدا كارلغه متوقف اولدیغندن حکامه امكانك مساعد اولدیغی وقت حبس برینه تأجیل و یا جزای نقدی بی حکم اتمسی توصیه ایدیلور .

بو وجهله حبسخانه لرك حالجه دخل و تأثیری اولان قوه اداره مك حكامك وظیفه و احكام موضوعه قانونیه مك تطبیقنه درجه تعلق اكلاشیلور .
(۳) جزانك انتاج ایلدیكی عذابى بر صورت نافعده استعمال ایتك فكری غایت اسکیدر . حریتدن محروم ایدللكه اكتفا ایدیلرك حكومته وعمومه نافع اوله رق اك زحمتلى مشاق و اعمالده استخدام ایدیلورلر . وعذابلری بو صورته تشدید ایدیلور ایدی . مجرمك اصلاح و تجدد اخلاقیسی ، محکومی مستفید قیلحق فكری ايسه نسبه یکیدر . بوكون ممالك متمنده ده حبسخانه لرك اصلاحخانه حاله افرانغه چالشملری بر عصر دنبرو مؤلفین واجتماعیونك دائمی شکایت و فریادلرینك نتیجه سیدر . حبسخانه وحقى كورك محللرنده واعظ و معلم بولندیرمق ، دارالصناعه لركشاد ایتك ، کنج مجرملری بسبتون آیری مؤسسه لرده بولندیرمق کبی خللر قوه اداره مك مجازاتك اجر اسنجه دخل و تأثیرینی کوسترر .

حتى ده ایلری یه واریلهرق قوه اداره یی حاكمك بر آلت حکمنندن چیقارهرق بعض مملكتكترجه بر حق تقدیر بخش ایدلمشدر . شوبله كه مدت موقوفیتی اناسنده حسن اخلاق صاحی اولدیغی و سر بست بر ایلدیغی وقت جرم ایقاع ایده میه جك درجه ده وسائط معیشته مالاك كوردیكی كسانی مدت محکومه بی اكال ایتزدن اقدم تخلیه ایده بیلمك صلاحیتی حبسخانه لر اداره لرینه طائمشدر . (تخلیه مشروطه) ترسیم اولنان بو احوالك قبولی بلا مناقشه قبول ایدلماشدر .

فقط معتراضلر شو یولده اسكان ایدلمشدر . طیب بر مرضك نغدن خسته خانه ده قاله جغتی اولدن تعیین ایده میه جکی کبی حاكم دخی مجرمك تهذیب

اخلاق ایتمی ایچون نقدر مدت حبسخانه مأمورلری یعنی قوه اداره محکومتدن منتظر اولان فائده نك حصوانی کوردیکی وقت تخلیه ایتمی در دیرلر . بوحاله رسیده اولمش محکومی حبسخانه ده طومتقندن فائده دکل بلکه ضرر چیقار . فقط بونك دخی بحق تطبیقی و صورت عمومیه ده جزادن مطلوب اولان مقصدك حصولی ایچون جزا مؤسسه لرنده استخدالم ایدیلان اشخاص و مأمورینك اوصاف مقتضیه بی حازر اولدیغندن اوروپاده ببله شکایت اولنیور .

تفصیلات سالفه شو وجهله خلاصه ایدیه بیلور .

« جرمك معنوی عکسی تأثیرلری جزانك حکمی انساننده ، مادی عکسی عملی اجرا اولندیغنی وقت » نظاهر ایدر . واضع قانون هر فعله مقابل جزای تعیین و اعلان اتمکله (عمومی مقصد تهیدیدی) « مجرمینك اخلاق و شرائط حیاتیه سنه کوره حاکمك جزای حکم و قوه اداره نك اجرا ایتسیله » شخصی مقصد تأدیب و تهذیبسی حاصل اولور .

جزانك حکم و اجراسنه مداخله و اشتراك ایدن قوتلرك درجه تأثیری کورولکدن صکره جزانك مقاصد و وظائف مندرجه مختلفه سی مباننده قنغیلرینك تقدم ایتدیکی مسئله سنه یناشه بیلورز .

واضع قانونك نوعاً صورت عمومیه ده تعیین و تعداد ایلدیکی افعالنن هر برینك صورت قطعه ده شوقدرکون و آی وسنه حبس صورتیه تقدیر ایتك امکافی متصور دکلدلر .

واضع قانون غایت شنیع بر حال ایلله مجرمی صوکرده ده مذکور کوستره چك اصولی دوشونه رق بر حد اعظم ایلله بر حد اصغر تعیین ایلر . بوداثره داخلنده حرکتده حاکمی سربست براقق مجبوری کنندولکنندن یوز کوستره . جزا وضع و تعییننده منفعت اجتماعیه مقیاسی اوله بیلور . جمعیت ایچون بعض اصول واردرکه دیگرلرینه نسبتله ده مضردر . بعض جرائم واردرکه اجرایی سهیل و یاخود جاذبه دار اولور . بوکی فعللرك منع وقوع و تکرری ایچون شدید جزا وضع ایدلك اقتضا ایدر . قابل اصلاح و جزادن متنبه اولیان مجرمیندن صرف نظر جرم ارتکاب ایتك ایسته ینلری طوته حق صورتده و درجه مطلوبه ده

قوة تهدیدیه بی حائز جزا مجازات نقدیه می ؟ حبس جزاسی می ؟ نفی ، کور کمی ؟
 بونلری تجارب و تدقیقات تعیین ایدر . واضع قانونک عقل سلیمک تعیین ایتدیکی
 حده اصابت اولوب اولدینی تطبیقات و استاستقار ایله تظاهر ایدر . مجازات
 موضوعه نك بوصورتله اصلاح ایدیه بیللمسی تحفظ عمومی نقطه سنجه وظیفه
 تهدیدیه سنك اهمیتیده تقدم ایتدیکنه دلیلدر . فی الحقیقه حاکم جریان احوال
 ایله جزانك وظائف معنویه سنه وظائف مادیة تطبیقیه سنی ترجیحه سوق ایدلمشدر .
 شویله که مکررلری بر آغر جزا ایله تجزیه ایلدیکی ابتدائی مجرمین حقه قنده
 مساعده کار بولنور . فقط بویکی نوع مجرملرک درجه مسئولیتلرینه یعنی جزانك
 صرف جهت معنویه سی دوشونلمش اولسه ایدی مکررردن دها آغر بر جزا
 ایله ابتدائی مجرمی تجزیه ایدلمک ایجاب ایدر ایدی . چونکه ابتدائی مجرم
 ایلک فعل مذمومی ایقاع ایچون وجدانك تلقینات و ممانعتنه رغماً جبر نفس
 ایلدی . حالوکه مکرر سوء استعداد و یا اعتیادی سائقه سیله او فعلی ایقاع ایتش
 اولور . کندوسنك حسیات اخلاقیه سی منطقی اولوب جرمة سوق ایدن اسباب
 وجدانك هیچ بر اعتراضه اوغر امار . فقط بویولده معامله ایدلمک منفعت عمومیه
 ایجاباتنددر . منفعت عمومیه واجتماعیه عدالت مطلقه و معنویه بو صورتله
 تقدم ایدر .

بعض احوال واردرکه آنلرده منفعت عمومیه و عدالت مطلقه نك ایجاباتی
 یکدیکرینه توافق ایدر . جنحه افعاله تعیین اولنان مجازات درجات متفاوتیه
 منقسم اولمقله حاکم هم مقصد معنوی و اخلاقی بی همده مقصد تهدیدی بی تأمین
 ایدر . بر جزایی تعیین ایده بیلور . درجات متفاوتیه مرتب جزا ایکی نوع احتیاجاته
 تقابل ایده بیلور . فقط مواد جنائیه نك بعضلری بوقیلندکلدر . حاکم ایچون
 قانون جزاده تعیین ایدیلان شدید جزایی حکم ایتک و یا برائت ایتک کی ایکی لزوم
 قانونی و وجدانی آلتنده بولنق قدر مشکل حاللر کثیر الوقوعدر . قانونک
 مساعد اولدینی موضعالرده محکمه نك حائز اولدینی صلاحیت تقدیریه ببناء فعل
 و جزانك جهات مادیه و معنویه سی مقایسه ایدرک تشدید و یا تخفیف جزا بولنه
 کیده بیلور .

حاکم تقدیر بنہ اساس اولہ حق جہت مغویہ می ؟ یوقسہ جہات تطبیقہ و مادیہ سی می اتخاذ ایدیلہ جک مسئلہ سی شایان تدقیق در . عدالت مطلقہ فکری اساس اتخاذ ایدلسون ذیلہ جکمی ! فعلک صرف جہت مغویہ سی نظر دقتہ آلہرق جزا تعیین ایدلسون فقط بونک مزاج ، استعداد ، تربیہ و بولندی محیطک تأثیر بی نظر امعانہ آلنسہ قدر متبدل و آزانہ بر اساس اولمدینی یکنظر دہ آکلاشیلور .

یوق ! بر فعلک اخلاقہ درجہ مخالفتی و فاعلک درجہ مسئولیتی اساس اتخاذ ایدلسون ! بوندہ مجرمک نہ درجہ یہ قدر مختار ایدو کی مسئلہ سی جبقار . بواصولہ اولکی قدر آزانہ در .

اختیار اوزر بنہ تأثیری اولان احوال او درجہ متعدد و تأثیری او درجہ دقیق و ناز کدرکہ دوشونہ جک اولور سق بعض احوالہ بزم کندی افمالر حقندہ قطعی بر حکم ویرہ دیز . بعض افمالہ مسئول اولدیغمری تسایم ایدرز)

فقط نہ مرتبہ دہ ؟ تربیہ مزک ، مزاج و استعداد و اعتداتمزک ، یا شادیغمر و بیودیگمر محیطک طبیعت ارشیہ مزک ، وقمنک احوال و شرائطک تحت تأثیرندہ بولندینی حالہ بزم اختیارمز نہ مرتبہ دہ سربست قالہ بیسلدی . تأثیرات مختلفہ مزبورہ تحتندہ بولندینی حالہ اختیارمزہ تأثر اولمدی دیہ ادعا ایدہ بیلور . می یز . ؟ کند و مزدن بیلہرک صدور ایدن افعال حقندہ قرار قطعی و بر مک غیر قابل ایکن دیکر لرینک افعالی حکم ایچون قدر عاجز اولدیغمر آکلاشیلور . اشخاصک سربستی و اختیار و مسئولیتی شو قدر آی و سنہ حبسلہ تعیین ایدہ جک مقیاس صحیح و سالمی نرہ دہ بولہ جفز .

اکثریا اختیاری تقویم ایچون جرمک سائق و سبیلر بی تقدیر ایدہ رز . جرمک سائق ، اسباب تشویقیہ سی ندرجہ قواعد اخلاقہ و اجتماعیہ یہ مخالف اولور ایسہ مجرمک وجدانی او درجہ اعتراض ایلمش . او مرتبہ دہ اختیار و آرزوی تعیین و تقرر ایش ذیلہ بیلور .

بعضاً سائق و شروع کی کوز و نیور . و فعل واقع فاعلک حسیات اخلاقہ سنہ معارض دوشمز . وجدانی فعل واقعی تصویب ایش کی اولور .

بو صورتله جرمك اظهار ایلدیکی اخلاقسزلغك درجه سیله فاعلاك اختیار و مسئولیتی تقدیر ایدلمکله بعض احوالده طوغری نتیجه لر حقیقه بیلور ایسه ده صورت عمومیه ده و ابناى جسمزدن برینك جان و مال و حریت و ناموسنك معلق بولندی بی برحکمك اعطاسی ایچون اساس سالم اولماز .

جزانك جهات مادیه و تطبیقیه سی ترجیح و تعبیر دیگرله منفعت و محافظه اجتماعیه فکری تقدیم ایدلمك ده امین بر نتیجه یه ایصال ایلر . مقابله بالئل و کفارت فکری یرینه منفعت و محافظه اجتماعیه فکری قبول ایدلدیکی وقت مجرمك حیات ماضیه سی و احوال سابقه سی نظر دقه آلتهرق جمعیتجه درجه مضرتی و مکرر لکنه امکان براقیه حق صورتده مجازات لازمه نك تقدیری صحت و اصابته ده تقریبی اوله بیلور .

شوراسی قید ایدلمکی که جزانك وظیفه مادیه و تطبیقیه سی قدر مهم اولور ایسه اولسون جهات سائرده سنك نظردقت و اهمیتدن دور طو تلمامق ایجاب ایدر . جزا مقاصد مادیه و تطبیقیه سنك تقدم اتمسی وظائف معنویه نك اهمیتدن سقوطی منتج اولماز . جزانك مقصد اساسی سی منفعت و محافظه اجتماعیه اولغله برابر افکار عمومیه اوزرنده بر مقابله بالئل . بر کفارت و قوعی کبی تأثیر معنوی سی واردر . محاکماتك اصول و صور و اشکال جریانی و جزانك مراسم و علنیت اجراییه سی بومعنوی تأثیری محافظه و ادامه ایدر .

جزانك جهات مادیه سی ایله جهات معنویه سی بیننده بو صورتله اختلاف اولدینی کبی جهات معنویه سنك وظائف مختلفه سی بیننده ده اختلاف اوله بیلور . تحفظ عمومی ایله خصوصینك ایجاباتی بعضاً اوقدر فرقلی اولور که عین جزا ایله ایکدیننده تقابل اتمك مشکل اولور . بونده تکون ایدن اختلاف شو شکلده نمایان اولور . تحفظ خصوصی فکری تحفظ عمومی مقصدینك و مستقل مقتدی لرك تهدیدینی تأمین ضامننده حکمی ایجاب ایدن جزادن ده خفیفی استلزام ایدر . بریسی برنجی دفعه اولهرق خفیف برجنجه ایقاع ایلدی .

حبس خانه و توقیف خانه لردن حاصل اولان نتیجه معکوسه معلوم اولدیقندن جزاسی تأجیل اولور . عموم اوزرنده جزانك معلق بولندیردینی تأثیر تهدیدیسی

بواصول تعدیل ایلمر ادعا اولنه بیلور ایسه ده اوشخص اوزرنده معاق بولنان واونی بکیان و یوقلایان جزانک تأثیری دها زیاده اینی نتیجدر ویردیکی ۱۸۹۱ سنه سندن اعتباراً فرانسه ده طوتیلان استانتسقلردن نمایان اولمشدر . اوزرلرینه معاق و کندولرینه منتظر اولان جزانک تأثیر تهدیدیسی ایله تکرردن توقی ایدن ایدن اشخاصک عددی تأجیل احتماله مبنی جرم ایقاع ایده جکلك عددنن فضله اولدیغی کورلمشدر . جزانک تعقیب ایستدیکی مقصد اصلی تحفظ عمومی اولسون خصوصی اولسون جرائمک تناقصی اولدیغندن بو نتیجه دهه امین صورتده ایصال ایدن اصولک ترجیحی ایجاب ایدر .

عین مقصدی تأمین و عین فکردن نشأت ایدن بر اصول واردرکه اوده تخلیه مشروطه اصولیدر (فرانسه ده ۱۸۸۵ تاریخده قبول ایدلمشدر) بریسی ایقاع ایلدیکی جنه دن طولانی ایکی اوچ سنه حبسه محکوم ایدلمشدر . بویله بر محکومیتک لحوقیله اوکا افتدا ایتمک احتمالنده بولنان اشخاص و کرك سامعینه و کرك ایقاعنده حاضر بولنان و یا وندن خبردار اولانلره تأثیر تهدیدیسی حصوله کلمشدر . بوجزا تماماً اجرا ایدیلور ایسه مقصد تحفظ عمومی حاصل اولمش اولور . فقط شو محکومک محکومیتدن برسنه صکره برجرم دهه ایقاع ایلدیکی . دو یولور سه مدت محکومیتی اکمال ایتزدن اقدم حبسخانه دن جیقیدیغی آکلاشیله جق عمومی مقصدک تأثیری تناقص ایتش اولمازمی ؟ طبیی ! فقط بویله تخلیه تعجیلیله ده تحفظجه شخصی رمنفعت کورلمشدر . احوال و اطوار حسنه سیله مدت محبوسیتی تقصیر ایده بیله جکئی آکلامق و عادتاً حبسخانه سنک اختارینی کندو بدینه تسلیم ایلمک قدر اصلاح و تهذیب اخلاقه خادم برتدبیر وارمیدر ؟ دیگر جهندن طریق مستقیمدن جزئی بر انحرافی وقوعنده تکرار حبسه القا ایدیله جکئی بیلمسی اونی مشروع بر حیاطه ثبات ایتسنه سوق ایدر . کذا بر مجرمی حبس ایتمکدن مقصد اصلاح حالی اولنجه حاکمک تعیین ایتدیکی مدتدن اول بومقصدک حاصل اولدیغی تحقق ایتدکن صکره صالیویرلمسی معقول و طبیی دگمیدر . شوراسی ده قیددن مستغنی درکه صورت عمومیه ده و علی العمیا هر مجرمی تخلیه ایتک اولماز . تحفظ عمومینک غائب ایتدیکنندن زیاده تحفظ خصوصی مقصدینک

قرآنسنہ تعبیر دیگرلہ تخیلہ مشروطہ ایلہ اصلاح حال ایدنلرک عددینک بوامیدک
جرم ایقاعنہ سوق ایتدیکی اشخاصدن زیادہ اولہ حق صورتدہ تطبیق ایدلمک
غیرت ایدیورسہ بو اصولدن فوائد حسنہ اقتطافی اولور (بزدہ موجود
اولیان اصولدن بحث ایدیشمزہ اعتراض ایدنلر اولہ بیلور فقط بونلر میانسدہ
آزحاکم بولنور ظن ایدرم . بو اصوللرک بزدہ قبول ایدیلہ جکئی احتمالدن
بعید کورم) .

تحفظ عمومی ایلہ خصوصیدن قنغینسک تقدم ایتدیکی مسئلہ سنک حئلده
یالکنز منفعت اجتماعیہ ملاحظہ سنی اساس طوتمامق ایجاب ایدر . بوندن بشقہ
برجوق مؤثر قبول ایدلمک مقتضی در . بونلر ایچندہ الک مهملرینی ذکر ایدرز .
جزایہ الک زیادہ محققیت وامنیت بخش ایدن عناصرک تفوق ایتدیکی کوریلور
جزانک ارکان مادیہ سی ارکان معنویہ سنہ تقدم ایدر . جزانک اقسام مادیہ سنندہ
دخی تحفظ خصوصی مقاصدی تحفظ عمومینک احتیاجاتندن دہا زیادہ امنیت
واعتمادلہ تأمین ایدیلہ بیلور . استاتسقی وقوانینک مقایسہ سی کبی اساسلر اولمغلہ
برابر برجماعت اوزرینہ برجزانک تأثیر تہدیدسی قریبی صورتدہ بیلہ تعین
ایتمک قابل دکلدر . بعض احوالده مجازات موجودہ نک عدم کفایتی آکلاشلو
رایسہ نہ درجہ دہ تشدید ایدلمک اقتضا ایتدیکنہ دائر الدہ رہبر آز بولنور .
بوکا مقابل تدابیر تحفظیہ شخصہ نک کیفیت ودرجہ تأثیری سحتلہ تعین ایدہ بیلور .
بونندہ کی سحت ریاضیاتدہ کی سحت قطعہ معناسندہ تالق ایدلمہ ملی ، مسائل اجتماعیہ
برقانونک اصول تطبیقہ سی احوال استثنائیہ سنندن زیادہ اولورسہ او قانوندہ سحت
واصابت وارددر دنیلور .

شاید حبس خانہ لر وتوقیف خانہ لر اصل احتیاجات اجتماعیہ حاضرہ نک ایجاب
ایتدیردیکی درجہ دہ بولنور ووقوف وحبوسک برمدت قالدقندن صکرہ حبس خانہ
مدیری وواعظی ومعلم مداومی موقوفک اصلاح حال ایدوب ایتدیکنہ دائر
برفکر حاصل ایدہ بیلورلر .

جزادہ نظر دقتہ آلنہ حق مؤثرلرندن بری دہ کونلر مزدہ اجرا ایدیلاں
مجازاتک مرتبہ تہدیدہ سی ایلہ ازمنہ سالفہ دہ کی مجازات وتقرعاتنک انتاج ایدلمک
اذا وعذابک فرقنی اولمسیدر .

حقوق بشرک مقدسیتی فکری سوء استعمال ایدیله رک عظیم ومدھش جنایاتک عکس تأثیر طبعیسی شدید مجازات اولدیفی نظر دقتدن دور طوتیلور . اعدام کبی بحق تأثیر تهدیدیسی حائز اولان جزا رک تطبیق کوندن کونه تناقص ایدیور (یوقاریده بلنا-به سویلندیکی وجهله بعض احوالده حاکم شدید بر جزا حکم ایتک مجبوریق قانونیه سنه تأسف ایلدیکی کبی بر طاقم مناسباتده قاتله حکم ایتدیکی اون بش سنه کورکی - قانون متصورده اولدیفی اوزره یکریمی اوتوز سنه کورک اولسهده - کافی کورمز . ضمیرنده بو حریف اعدام ایدملی ایدی دیما مش ؛ جنایت حاکمی آربولور ظن ایدرم) - بوضورتله مجازاتک شدتی تناقص ایدیور . بوکا مقابل مجازاتک محققیت ومشروعیتی کبی بر تدبیر اقامه ایدملی . بوبابده اجرا ایدیله جک اصلاحاتده وترقیده قطع ایدیله جک یول بیوکدر . ترقیات مطلوبه حاصل بولور تعبیر دیگرله شخصک تهذیب ونحفظنه خادم تدابیر تقویه ایدیلور سه جزانک شدتی یوزندن غائب ایدیله جکسندن زیاده قزانیله جفنی و بناء علیه ینسه توازن منفعت اجتماعی و جرائمک تناقص اوله جفنی حکم ایدیله بیلور .

جزادن منتظر بولنان بوتیجهیه وصول ایچون قانونی احکامی ومؤسسات جزائییه یعنی جزانک وضع وتعیین وتطبیقنده اشتراک ایدن هیئتلرک احتیاجات حاضره یه کوره اصلاح ایدلمسی ایجاب ایدر .

